

Broj: 01-02/2-2403/23SK
Sarajevo, 24.07.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
ZASTUPNIČKI/PREDSTAVNIČKI DOM**

Primljeno: 26.07.2023			
Org. jed.	Broj	Priloga	Vrijednost
05/1	-02-	194	23

n/r Ivan Miličević, sekretar

n/r Kadrija Hodžić, Azra Okić, Hajrudin Kozarević i Nihad Krajinović, zastupnici

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r Edita Kalajdžić, sekretar Vlade FBiH**

Predmet: Odgovor na zastupničko pitanje, **dostavlja se-**

Veza: Akt sekretara Predstavničkog doma Parlamenta Federacije Bosne i Hercegovine, broj: 05/1-02-194/23 od 05.07.2023. godine i akt sekretara Vlade Federacije Bosne i Hercegovine, broj: 03-04-782-2/23 od 06.07.2023. godine

Poštovani,

Aktom Vlade Federacije Bosne i Hercegovine broj: 03-04-782-2/23 od 06.07.2023. godine, ovom ministarstvu je dostavljeno zastupničko pitanje koje su postavili Kadrija Hodžić, Azra Okić, Hajrudin Kozarević i Nihad Krajinović, zastupnici u Zastupničkom domu Parlamenta Federacije Bosne i Hercegovine, a koje glasi: „Da li se zna tačan broj aktivnih i neaktivnih tražioca posla u Federaciji BiH, odnosno, da li su navedene kategorije razdvojene u Federaciji BiH (kao što je to urađeno u RS i BD) i da li se zna koliki je broj onih koji su na Zavodu za zapošljavanje, samo, zbog ostvarivanja prava na zdravstveno osiguranje?“ sa aspekta nadležnosti Federalnog ministarstva rada i socijalne politike, dajemo sljedeći odgovor:

Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08) uređuju se prava i obaveze Federacije Bosne i Hercegovine u utvrđivanju i provođenju ukupnih mjera kojima se pospješuju i unapređuju uslovi za zapošljavanje, osnovni principi u posredovanju za zapošljavanje, materijalna i socijalna sigurnost nezaposlenih osoba za vrijeme privremene nezaposlenosti, osnivanje, organizacija i rad Federalnog zavoda za zapošljavanje, javnih službi za zapošljavanje kantona, finansiranje ukupne djelatnosti zapošljavanja i druga pitanja poštujući nadležnosti kantona i njihove različitosti.

U skladu sa članom 3. st. 1. i 2. ovoga Zakona, nezaposlenom osobom, smatra se osoba sposobna za rad koja nije u radnom odnosu i koja nema registrovano privredno društvo ili drugo pravno lice, odnosno ne ostvaruje dividendu po osnovu udjela u privrednom društvu ili drugom pravnom licu, nema registriran obrt, koja se ne bavi poljoprivrednom djelatnošću, nije uživalac penzije prema propisima o penzijskom i invalidskom osiguranju, nije redovan učenik ili student, ostvaruje prihod po bilo kojem osnovu i aktivno traži posao, odnosno ukoliko njihov prihod ne prelazi mjesečno 25% prosječne plaće u toku prethodne godine prema podacima Federalnog zavoda za statistiku.

Nadalje, u skladu sa članom 3.a, ovog Zakona, smatra se da nezaposlena osoba aktivno traži posao ako se redovno javlja službi za zapošljavanje, podnosi molbe poslodavcima ili daje oglase i javlja se na konkurse, pridržava se programa profesionalne orijentacije, obuke i prekvalifikacije.

S tim u vezi, kumulativnim ispunjenjem uslova iz člana 3, a u vezi sa članom 3a, Zakona o posredovanju u zapošljavanju i socijalnoj sigurnosti nezaposlenih osoba ostvaruje se pravo na prijavu na evidenciju nezaposlenih osoba.

U vezi sa gore navedenim, razdvajanje aktivnih od neaktivnih tražilaca posla u evidencijama iz oblasti zapošljavanja, a u skladu sa trenutno važećim zakonskim propisima, nije moguće provesti s obzirom da je jedan od uslova prijave na evidencije nezaposlenih osoba kao i ostvarivanja ostalih prava koja proizilaze iz toga da nezaposlena osoba aktivno traži posao.

Međutim, trenutno je u proceduri priprema teksta prednacrta Zakona o posredovanju u zapošljavanju i socijalnoj sigurnosti nezaposlenih osoba koji se nalazi u fazi prikupljanja neophodnih mišljenja od svih nadležnih institucija za izradu teksta u formi nacrtu. U nacrtu novog Zakona, između ostalog, predviđaju se zakonska rješenja kojima će se dati mogućnost vođenja posebnih evidencija iz oblasti zapošljavanja odnosno razdvajanja aktivnih od neaktivnih tražilaca posla, s ciljem omogućavanja veće učinkovitosti zavoda za zapošljavanje i kantonalnih službi za zapošljavanje, kao i usmjeravanje fokusa na aktivne tražitelje zaposlenja, smanjenje realne nezaposlenosti, bolje usluge zavoda za zapošljavanje i kantonalnih službi za zapošljavanje, stvaranje realne slike nezaposlenosti i stanja na tržištu rada.

S poštovanjem,



Dostaviti:

- Naslovu
- Sektor za rad, zaštitu na radu i zapošljavanje
Veza: Vaš akt br.03-02/2-2403/23 DM od 19.7.2023. godine
- a/a